

### Lita dl Consëi dla Uniun dles Èles y di Èi

recordesse de dé jö les zetules dla lita tles lades metüdes fora te dljia: en domënia ai 18 de otober por les **èles** dala jöbia 22 cina la domënia 25 de otober por i **èi**.

**Curs de formaziun sura la fede "La löm dla vita"** cun Padre Giuseppe te colonia a La Ila. L'incuntada é le vëndres ai 23.10.2015 dales 14:00 ales 18:00 cun Santa Mëssa y vá inant la sabeda dales 9:00 ales 12:00 y dales 14:00 ales 17:00. Infos y iscriziuns pro Ingrid al tel. 331/8565697.

**Stüdafüch de Badia: Control di destodadus:** en sabeda ai 24.10.2015 8:30 - 12:00, sarâl la poscibilité de condüje te magazin di Stüdafüch de Badia i destodadus (polver, scaia o CO<sup>2</sup>) por le control scrit dant dala lege. I stüdafüch y na dita spezialisada piará do i destodadus, che an ciafará indô do ca. 1 ora. Chësc ne n'é nia ma n sorvisc di stüdafüch ala comunité mo ince n intervënt de prevenziun cuntra le medefüch.

**Informaziun dla Cassa Raiffeisen Val Badia:** ala mët a ji na sëra de informaziun sura i contribuc, incentifs fiscai y le nü model de sparagn ciasa "Bausparen" por costruziun y ressanamënt dla prüma ciasa, a La Ila tl salf dla Cassa Raiffeisen, en mertesc ai 13.10.2015 dales 20.00.

**Iniziativa "VIVA":** en domënia ai 18.10.2015 inviëia la Crusc Blanca a chësta iniziativa, l'de dla reanimaziun. A La Ila dales 09:30 - 12:00 sön plaza de dljia (da bur tēmp te colonia) gnarâl mostré co podëi daidé salvé na vita tl caje de architada dl cör y dla zircolaziun.

**Curs de ingleje:** dal KVV de Badia vëgnel ciamó invié ia chisc cursc: "Elementary" y "Preintermediate" che mët man ai 27.10.2015. Informaziuns y prenotaziuns pro Cristina al nr. 333/1591599.

**Curs da balé en grup:** le KVV de Badia mët a jí n curs da balé cun Giovana Moling. Al se trata de bai de grup, olache düc pó fá impara. Le curs mët man en lünesc, ai 12.10.2015 te ciasa dles uniuns a Badia y vá inant pur 8 iadi dagnora dales 9 danmisdé. Düc é der bel inviá ! Da se prenoté él pro Veneranda al nr. 0471/839760 o 338 5030618.

**Porté i pici mituns:** l'Zënter Families Ergobando mostra en mercui 14.10.2015 dales 10 le „tragetuch" y l'porvé fora. Info al tel. 338/7173577.



En jöbia, ai 15.10.2015 complësc **Paola Frena Pitscheider** da Pedraces la bela eté de **95** agn. L'Seniorenclub y düta la Comunité ti aoda düc l'bun, sanité y benedisciun de Dî.



## Usc dla Cüra **BADIA**

Tel./Fax 0471 839571 - E-Mail: [parrocchiabadia@libero.it](mailto:parrocchiabadia@libero.it) - [www.valbadiaonline.it](http://www.valbadiaonline.it)

Nr. 46

Edema: 11.10. - 18.10.2015

### Vangele dla Domënia che vëgn XXIX° ann „B“

(Mc 10,35-45)


Te chël tēmp é laco y Jan, i fis de Zebedeus, jüs da Gejù y à dit: Maester, i orésson che te fajesses, do ci ch'i te periun. Al à respognü: Ci dessi pa fà por os? Ai ti à dit: Làscesse senté te to règn un a man dërta y l'ater a man ciampa dlungia te. Gejù à respognü: I ne savëis nia do ci ch'i periëis. Podëise os bëre le caresc che iö bëri, o tó sön os le bato cun chël che iö vëgni batié? Ai à respognü: I podun. Dailò ti à Gejù dit: Os boiarëis le caresc che iö bëri, y i ciafarëis le bato cun chël che iö vëgni batié. Mo le post a mia man dërta y a mia man ciampa ne n'ài nia iö da dé ia: al ti vëgn conzedü a chi che é destinà. Canche i atri diesc discepui à aldi chësc, s'ài dessené cun laco y Jan. Dailò i à Gejù cherdé ca y à dit: I savëis che chi, che vëgn aratà regnanc, sotmët i popui, y che i potënc adora mal súa potënza sura la jënt. Pro os ne déssera nia ester insciö, mo chël, che ó ester gran pro os, dess ester osc sorvidù, y chël, che ó ester le pröm, dess ester le stláf de düc. Deache ince le Fi dl Om n'é nia gnü a se lascé sorvi, mo a sorvi y a dé ca súa vita sciöche prisc por nen cumpré ciarà tröc.



# FUNZIUNS SACRES

## 11.10. XXVIII. DOMÈNIA dI ANN / B

- 10.00 Mëssa por la Comunità  
15.00 Funziun y prozesciun cun Chëlbeldî da La Crusc  
18.00 †ta Rita Rungg Irsara - aniversar  
†to Serafino Ploner - aniversar  
†ti Tone y Rosina Pitscheider  
• *cianta l'Cor Philia* •



- 13.10. Mertesc - *Mëssa cun l'Seniorenclub*  
**14.00** †to siur Laurënz Irsara - aniversar  
†to Giovanni Irsara de Jan - aniversar  
†ti Giuseppe y Albina Trebo - aniversar

- 14.10. Mercui - *Mëssa cun i scolars dla elementara*  
07.30 †ti Rudi y Edi Rottonara  
†ti Giovanni, Adele y Albert Pescollderung  
por fam. Linert y Maria Irsara

- 15.10. Jöbia – *Mëssa cun i confirmá y studënc*  
19.30 †ti Felice y Maria Flatscher - aniversar  
†ta Rosa Crepaz - aniversar  
†ti Franz, Anna y Maria Tasser - aniversar

- 16.10. Vëndres – *S. Ignaze de Antiochia*  
07.30 †ti Costa da Pransarores  
por fam. Rita Valentin de Corcela

- 17.10. Sabeda  
16.00 S.Mëssa a Oies

## 18.10. XXIX. DOMÈNIA dI ANN / B - De dles Misciuns *“Festa di iubilars de matrimone” – scomëncia l'Edema dla Fede*

- 10.00 Mëssa dla Comunità - por aumënt dla fede  
15.00 Ora de adoraziun  
18.00 †ta Carmela Thaler - aniversar  
†to Franz Frenademetz da Oies - aniversar  
por les families dl “Faná”


• *oferta por les misciuns* •

# Dala VITA dla CÜRA


## Program dl'Edema dla Fede ( 18 – 25 otober )

I un injunté ala plata dla Cüra l'program, de por de, y inviun düc a tó pert, ince da jí te n ater paisc. Al vëgn ince dé na ocasiun da jí cun l'auto-taxi, mo präibel se prenoté adora assá pro Rosmarie Irsara (tel. **3384864740**). Bel ince sce tröc toless pert ala **Mëssa** de conclujiun, la domënia, ai 25 d'otober, da sëra **sö Oies**; spo ne sarál a Badia degüna mëssa da sëra.

*Siur Degan*



En sabeda, ai 10.10.2015 á ciafé l'Sacramënt dl BATO l'pice **Mattia** de Alfred Johannes Haßwanter y Monica Irsara. Al pice che tolun sö cun ligrëza te nosta comunité cristiana y a sü geniturs tröpes ligrëzes.



En sabeda, ai 10.10.2015 se á uní tl Sacramënt dl **MATRIMONE** Philipp Lerchegger cun Susan Valentin da Corvara. La Comunità de Badia ti aoda tröpa ligrëza y benedisciun de Dî sön so tru deboriada.

**Seniorenclub:** se incuntun en mertesc, ai 13.10.2015 dales 14:00 te dljia por la s. mëssa y dedô junse tla Pizzeria S.Leonardo por na picera marëna. Oressun invié dër bel düc canc a gní a sté en compagnia.

**Oraziun de Taizè:** ala vëgn tignida en vëndres, ai 16.10.2015 dales 20:00 tla capela da Oies. Düc é bel inviá a tó pert.



## INVIT

ala S.MËSSA de RENGRAZIAMËNT  
a düc chi che festejëia chësc ann le  
10° - 15° - 20° - 25° - 30° - 35° - 40° - 45° - 50° - 55° - 60°  
**ANIVERSAR DE MATRIMONE**  
en domënia, ai 18 de otober 2015  
dales 10:00 te dljia de Badia

\*\*\*\*\*

I iubilars se abina dales 09:50 dan la Stüa di Paurs  
por fá deboriada l'ingres te dljia tles prömes proches